

Biblia para na maga Bata
ta presenta

El Principio del
Tristeza del
Hente



Ya Escribe Si: Edward Hughes

Ya Illustra Si: Byron Unger; Lazarus
Alastair Paterson

Estaba con: M. Maillot; Tammy S.

Ya Traduci El: www.christian-translation.com

Ya Produci El: Bible for Children
www.M1914.org

©2021 Bible for Children, Inc.


Lisencia: Tiene tu derecho copia y emprenta este storia,
pero nuay tu permiso bende con este.



El Dios ya hace todo las cosas.
Cuando El Dios ya hace con el primero
hente, si Adan, ya keda le na hardin
de Eden hunto con el su esposa, si
Eba. Ya esta sila alegre ta obedece
con El Dios y con gusto na
Su presencia hasta ya llega
el un dia ...



"Hinde ba ya habla
El Dios que noma
come el pruta del
kada pono?" el colebra
ya pregunta con Eba. "Pwede
kame come todo pruta pwera
el uno." Habla le. "Cay si
come o agara kame con
este pruta, hay muri
kame." "Hinde tu muri,"
asegun con el colebra.



"Hay queda
tu igual como El
Dios." Ya engania
si Eba con el pruta
de este pono.
Ya uwi le con el
colebra y ya come
le con este pruta.



Despues que ya desobedece si Eba con el Dios, ya manda tambien ele come kun Adan el pruta. Debe ya habla si Adan, "No, hindi yo desobedece con El Palabra Del Dios."





Cuando si Adan y si Eba ya peca,
sabe sila que sila desnudao. Ya kusi sila
maga ojas y ya tapa con el di illa cuerpo y ya
esconde na sacate lejos na presensia del Dios.



Durante el priyerdad del noche el Dios ya anda na Jardin. Sabe Le cosa ya hace si Adan y si Eba. Si Adan ya menta con Eba. Si Eba ya menta con el colebra. Habla El Dios, "Condena con ese colebra. Y el mujer hay sinti dolencia na nacimiento del su anak."
"Adan, por causa del di tu pecado, el tierra hay lleva tunok. Donde tu hay trabaho y suda cupioso para tiene tu que come."





El Dios ya lleva con Adan y Eba afuera del hermoso Jardin. Porcaosa del di illa culpa, ya separa sila con el Dios que ta dale vida!






El Dios ya arma espada de
fuego para esta sila afuera.
El Dios ya hace camisa de
pellejo para con Adan y Eba.
Donde ya saka
el Dios con
el pellejo?



Tiempo ya pasa, ya keda un pamilya si Adan y si Eba. El primer hijo di illa, si Cain, amo el jardinero. El Segundo hijo, si Abel, amo el pastor. Un dia si Cain ya lleva con el Dios maga gulay como regalo. Si Abel ya lleva tambien el su maga buen carnero como su regalo con el Dios. Y el Dios ya aprecia con el regalo di



Siendo el Dios nuay aprecia con el regalo di Cain. Ya rabia si Cain. Pero habla El Dios, "Si hace tu cosa el debe, hinde ba contigo acepta?"



Nuay perde el rabia de Cain. Cuanto hora ya pasa alla afuera, ya ataca le con Abel y ya mata conele.



El Dios ya habla con Cain. "Donde di tu hermano, si Abel?" "Nusabe yo." Ya nega si Cain. "Yo ba ta bisya con el mi hermano?" El Dios ya sentencia con Cain por medio de kitar conele el abilidad para siembra y ya hace conele byahero sin direccion.



Ya sale si Cain na presencia del Senyor. Ya casa le con el anak mujer di Adan y Eba. Ya planta sila pamilya. Sigiente, el mga apo di Cain y su maga apo de tuhod ya llena el ciudad que ele ya planta.



Mientras tanto, el familia de Adan y Eba pronto tambien ya keda manada. Durante kel maga dia, el maga hente ta vivi mas largo tiempo comparando este dia.



Cuando el anak di Seth ya nace, habla si Eba,
"El Dios ya dale comigo si Seth para replasa
con Abel." Si Seth un buen hente que ya
vivi por nueve cientos y dose anyos y ya
tene manada maga anak.



Na mundo, sigiendo el maga generacion
ya pasa, el maga hente mas ya keda
malo. Finalmente, El Dios ya decidi
destrosa conel hentiyo y todo maga
animal y pajaro. El Dios ya keda
triste que ya hace
Le con el hente.



Pero un
hente ta esta
favorable con
El Dios.



Este hente amo si Noah. Un decidiente de Seth,
buen hente si Noah y inosente. Ta sigi le con
Dios. Ya ensinya tambien le con el su
tres anak que obedece con el Dios.

Aura, el Dios ta planya
usa con Noah na
manera que
bien

milagroso y
espesyal.



El Principio del Tristeza del Hente

El Estoria Del Palabra Del Dios, El Biblia

hay pwede encuntra na

Genesis 3-6

"El frontera del Tu Palabra ta dale luz."

Psalm 119:130



El Fin



Este estoria de Biblia ta conta canaton paquemodo de adorable el Dios kien ya hace canaton y quiere Le que conose tu con Ele.

Sabe El Dios que manda maldad kita que ya hace, y ta llama este Le pecado. El sentencia del pecado amo el muerte, pero cay ta ama canaton el Dios, ya imbia Le con el de Su Unico Hijo, si Hesus, para muri na cruz y sentencia con Ele para na di aton pecado. Y si Hesus ya vivi otravez y ya bolbe na Cielo! Si ta cre tu con Hesus y pidi tu con Ele perdona de tu pecado, hay hace Le se! Hay bene Le, y esta hunto contigo aura, y tu hay vivi hunto con Ele hasta para cuando.

Si ta cre tu coneste verdad, habla tu este con el Dios: Dios mio Hesus, Ta cre yo que tu el Dios y ya queda hente para muri por causa na di amon pecado, y aura Tu ya vivi otravez. Favor entra Tu na mi vida y perdona conel di mi maga culpa, para iyo hay tiene nuevo vida aura, y un dia man hunto contigo hasta para cuando. Ayuda comigo obedece Contigo, y vivi Contigo como de tu anak. Amen.

Leh con el Biblia y conversa con Dios todol dia! Juan 3:16

